

БОЖИТЪНЕ

М Б С И Е



У БЕОГРАДУ,

У ДРЖАВНОЈ КНИГОПЕЧАТЊИ

1887.

Р19Ср 1193.1

No 187





Р19Ср II 93. 1

БОЖИТНЕ



ЗА

СРБСКУ

ПРАВОСЛАВНУ ЮНОСТЬ.



У БЕОГРАДУ

У ДРЖАВНОЈ КЊИГОПЕЧАТЊИ

1867.

RC ON

Рубинъ
Светло-розовый
Минусъ

№ 320070



ТРОПАРЬ,

ГЛАСЪ ЧЕТВЕРТЫЙ.

Рождество твое Христе Боже нашъ, возсія миру свѣтъ разума: въ немъ бо звѣздамъ служащія, звѣздою учахуся, тебѣ кланялися солнцу правды, и тебе вѣдѣти съ высоты востока: Господи слава тебѣ.

КОНДАКЪ,

ГЛАСЪ ТРЕТІЙ.

Дѣва днесъ пресущественнаго раждаетъ, и земля вертепъ неприступному приносить, Ангели со пастырми славословятъ, волсви же со звѣздою путешествуютъ, насъ бо ради родися отроча младо превѣчный Богъ.

ВХОДНОЕ.

Изъ чрева прежде денницы родихъ тя, клятсѣ Господь и не раскается. Ты Іерей во вѣкъ по чину Мелхиседекову.

ІРМОСЪ,

ГЛАСЪ ПЕРВЫЙ.

Величай душе моя, честнѣйшую и славнѣйшую горнихъ воинствъ, дѣву пречистую Богородицу. Таинство странное вижу и преславное; небо, вертепъ: престоль херувимскій, дѣву: ясли, вмѣстилище: въ нихже возлеже невмѣстимый Христосъ Богъ; егоже воспѣвающе величаемъ.

ПРИЧАСТЕНЪ.

Избавленіе посла Господь людямъ своимъ. Аллилуіа.

ПѢСНЬ ПЕРВАЯ.

Слава во вышнихъ Богу,
 Воспѣвайте людіе,
 Днесь Христось раждается,
 Пеленами повивается,
 Богъ нашъ правдивый
 Агнецъ незлобивый.

Царіе днесь шествуйте,
 Христу дары даруйте,
 Пастыріе свиряйте,
 Пѣснь нову восклицайте,
 Со аггелы
 И архаггелы.

Камень Мойсей порази,
 Воду людемъ источи,
 Камень отъ горы отсѣчеса,
 Христось отъ дѣвы намъ родися,
 Жизнь всѣмъ приведъ,
 И напаяетъ.

И вы горы и холми,
 Возиграйте со нами;
 Дебри кедри селныя,
 Ліванъ гори преславныя,
 Воздвигнитесь,
 Всеи веселтеса.

Маріа днесь повиваетъ,
 Спаса Христа намъ раждаетъ,
 Еммануила
 Его нарицаетъ.

Богу во Троицѣ буди отъ насъ хвала,
 Божіей матери на небеси слава,
 На земли отъ человѣкъ,
 Буди поклоненіе,
 И умиленіе.

ПѢСНЬ ВТОРАЯ.

Шедше тріе цари
 Ко Христу со дары,
 Иродъ ихъ пригласи,
 Гдѣ идутъ вопросы.

Отвѣщаша ему,
 Идемъ къ рожденному:
 Къ рожденномъ идите
 И мнѣ возвѣстите;

Азъ шедъ поклонюся,
 Предъ царемъ смирюся,
 Новорожденному
 И царю нашему.


Звѣзда идетъ чуднѣ,
 Съ востокъ на полудне,
 Камо звѣзда предста,
 Тамъ обрѣли Христа.

Тріе цари пришли,
 Даръ Исусу внесли,
 Ліванъ, злато, смирну
 Отдали безмѣрну.

Поклоншеся Богу,
Взяша путь дорогу,
Съ радостію поють,
Славу Богу воздають.

Аггелъ имъ вѣщаєтъ,
На путь наставляєтъ,
Инымъ путемъ идите,
К' Ироду не идите.

Пришли въ страни своя,
Хріста славословя,
Чають въ небѣ быти,
И съ нимъ на вѣкъ жити.







ПѢСНЬ ТРЕТАЯ.

Богъ предвѣчный народился.
 Пришедъ днесъ со небесъ,
 Да бы весь людъ свой,
 Утѣшился.

Извѣстился аггелъ Божій,
 Первѣемъ пастыремъ,
 Овчаремъ иже имъ
 Съ неба посланъ.

У Вітлеемъ извѣстился,
 Мессіашъ Христосъ нашъ
 И Богъ нашъ,
 Всѣхъ насъ ради народился.

Звѣзда с' сяйна показала.
 Во дорози убози при воли
 И осли осіяла.

Тріє цари гдѣ идете;
 Идемъ въ Вітлеемъ,
 Съ покоемъ повернемся.

Съ дари Цари пришли къ нему,
 Кадило и смирну,
 И злато за хото дали ему.

Инымъ путемъ повернули,
 Погану Ироду,
 Безстудну безбожну не сказали.

Дѣва сына вадъ повила,
 Звѣзда ста,
 Гдѣ Хріста
 Пречиста Марія породила.

ПѢСНЬ ЧЕТВЕРТА.

Ликуй днесь Сіоне,
 Возиграйте горы,
 Согласится труба,
 Со аггелски хоры,
 Красно процвѣтайте,
 Весь мірь наполняйте,
 Кедрі Ліванскія.

Сотецемся купно
 Отъ конецъ вси цари,
 Царскія несите
 Со собою дари,
 Небо свѣтилами,
 Земля же цвѣтами,
 Красно украсися.

Приноситъ вѣсть Гавріилъ
 Благодать новую,
 Духъ святой осѣнилъ
 Дѣву пречистую,
 А зачнеши сына,
 Отъ духа едина,
 Дѣвою родишьъ.

Исусъ имя ему
 Будеть нареченно,

Архаггелскимъ гласомъ
 Дѣвѣ извѣщено,
 Весь міръ онъ спасаетъ
 Отъ ада преисподня
 Силою Божества.

Первый Адамъ ахъ изъ рая,
 Изгнанъ чрезъ невѣсту,
 Второй Адамъ Христось,
 Чрезъ дѣву пречисту,
 Изъ земнаго края,
 Адама до рая,
 Придетъ воздвигнути.

Мы же что за сіе,
 Принесемъ невѣстной,
 Возмездѣ небесной и земной царицѣ,
 Должны будемъ дати,
 Что отъ насъ пріяти,
 Въ даръ себѣ изволить.

Богу честь и хвала,
 Да будетъ во вѣки,
 Возгласите труби и вси человѣцы.
 Маріа оттуду,
 Прославися всюду,
 Безъ грѣха зачата.

ПѢСНЬ ПЯТАЯ.

Егда прииде конецъ вѣва,
 Богъ отъ дѣвы родися,

Спасти хотѣи челоуѣка
 Самъ челоуѣкъ явился,
 За презѣлну свою благодѣль,
 Воспріѣлъ естъ нашу слабодѣль,
 Да бы возвелічилъ насъ.

Поѣи Адаме, ликуѣи Ево:
 Се бо плодъ вашъ црорасте,
 Изъ Есеа свято древо
 Во вертепѣ процвѣте,
 Мѣръ, врагъ, похотѣ истребитсѣ,
 На семъ древѣ умертвисѣ,
 Крѣпостію Божества.

Прочѣ отиди печаль всяка,
 Да воспріимемъ мы ліру,
 Разженісѣ темность мрака,
 Днесъ возсіѣ свѣтъ міру,
 Хотѣи всѣхъ насъ просвѣти,
 Освятити,
 Самъ своєю кровію.

Срадуйтесѣ вси намъ лѣса,
 Зеленѣйтесѣ луга,
 Возшумитесѣ луга,
 Вѣтви земнаго круга,
 Спасъ бо пріиде обновити,
 И всяку тварь обдарити
 Щедротами своими.

Умъ въ похвалу восперите,
 Благодушествующе,
 Уста въ пѣснехъ отверзите,

Тайно ликовствующе,
 Чистымъ сердцемъ и удеси,
 Всѣми чувствами и тѣлеси,
 Славословите Его.

ПѢСНЬ ШЕСТАЯ.

Вси языцы воспещите руками,
 Яко Христосъ избавитель есть с' нами.
 Въ Витлеемѣ Іудействѣмъ родися,
 Яко отрокъ пеленами повися,
 Пастыріе во цѣвницахъ свиряють,
 Хвалу Богу рожденному воздають.
 Триє цари отъ Персиди придоша,
 Смирну, злато и кадило дадоша.
 Ангель во снѣ Іосифу сказыеть,
 Гдѣся Иродъ со воинствомъ готуеть,
 Да убіеть несквернаго младенца,
 Прежде вѣчна и всѣхъ тварей первенца.
 Востан' скоро Іосифе во Египетъ побѣжи,
 Рожденному съ матерію послужи,
 Да погубить во Египтѣ болвани,
 Иже быша діаволу создани.
 За то сниде Бога слово превѣчно,
 Да сокрушить вся ідоли конечно,
 И погибнетъ вся сила ихъ вопреки,
 Да царствуетъ Христосъ Богъ нашъ во вѣки.

ПѢСНЬ СЕДМАЯ.

Предвѣчный родился по лѣти,
 Восхотѣвъ землю просвѣтити,
 Да насъ отъ тми возведеть,
 И ко свѣту приведетъ
 Отъ мрачныхъ.

Новое лѣто зачиняеть,
 Новый цяръ царя низлагаетъ,
 Убогій ся народиль,
 Богатога засмутилъ
 Ирода.

А звѣзда предварила цари,
 Бѣгущія къ вертепу со дары,
 Скорше нашли пастыріе,
 Нежел' мудрый звѣздаріе,
 Исуса.

Возмогай дѣво повивати,
 Не престай старче пировати,
 Содѣтеля своего,
 Знають Бога нашего,
 Звѣріе.

Ѣмуже глави приклоняють,
 Во яслѣхъ Бога прославляють,
 Всѣхъ насъ ради воплощена,
 Днесъ изъ дѣвы народженна
 Предвѣчна.

Но Иродъ страха исполнися,
 Что Хрістось одъ дѣвы родился,

Сказалъ его тражити,
По всѣмъ свѣтѣ искати,
Зла ради.

Поимъ же Іосифе дѣву,
И бѣгай во иную страну,
Доколе врази погибнуть,
И кончину воспріимуть,
Пребуди тамъ.

Что и мы нынѣ принесемо,
Честь славу Богу воздадимо,
Да намъ животъ даруетъ,
Царство небесъ готуетъ
На вѣки.

ПѢСНЬ ОСМАЯ.

Стопи моя направи
По словеси твоему.
Вострубите трубою
Возопійте со мною.
Звѣзда придетъ ясная
Показала красная
Млада царя во яслѣхъ,
Лежащаго при скотѣхъ,
Пастыри су славили
Волсви его тражили.
Ирода су пытали,
Гдѣ бы Христа видѣли.
Царь ся Иродъ смутися
Єрусалимъ жалися;

Священике созваше
И книжнике призваше:
Пыташе ихъ за Христа,
Гдѣ родися и воста.
Волхвомъ рече: идите
Нова царя тражите.
На колѣна падоше,
Христа Бога моляше;
Злато Ливанъ и смірну
Даша Богу безмѣрну.



И Т О Ч Е Н О Е

С Т О Л П О В Н О Е

И О С Т О Я Н Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е

В О С Т А Н О Е



ТРОПАРЬ СВЯТАГО ВАСІЛІА,

ГЛАСЬ ПЕРВЫЙ.

Во всю землю изыде вѣщаніе твое, яко
пріемшую слово твое, имже боголѣпно научилъ
еси: Естество сущихъ уяснилъ еси, человѣче-
скія обычаи украсилъ еси, царское священіе
Отче преподобне: моли Христа Бога спастися
душамъ нашимъ.

КОНДАКЪ НОВАГО ЛѢТА.

ГЛАСЬ ТРЕТІЙ.

Всѣхъ Господь обрѣзаніе терпитъ, человѣ-
ческая прегрѣшенія яко благо обрѣзуетъ: даетъ
спасеніе днесъ міру, радуется же въ вышнихъ и
создателевъ Іерархъ и свѣтоносный, Божествен-
ный Тайникъ Христовъ Василій.

НА СВЯТОЕ БОГОЯВЛЕНІЕ.

НА ГОСПОДИ ВОЗВАХЪ: СТИХІРА,

ГЛАСЬ ВТОРЫЙ.

Просветителя нашего, просвѣщающаго вся-
каго человѣка, видѣвъ предтеча креститися при-
шедша, радуется душею, и трепещетъ рукою,
показуетъ сію, и глаголетъ людемъ: сей изба-
вляяй Ісраиля, свободядай насъ отъ истлѣннія.
О безгрѣшный Христе Боже нашъ, слава тебѣ.

НА ОСВЯЩЕНІЕ ВОДЫ ТРОПАРЫ.

ГЛАСЪ ОСМЫЙ.

Гласъ господень на водахъ, вопієть глаголя: прїидите прїимите вси, духа премудрости, духа разума, духа страха Божія, явлшагося Хріста.

Днесъ водъ освящается естество, и раздѣляется Іорданъ, и своихъ водъ возвращаетъ струи, Владыку зря крещаемъ.

Яко человекъ на рѣку пришелъ еси Хрісте Царю, и рабское крещеніе прїяти тщишися Блаже, отъ предтечеву руку, грѣхъ ради нашихъ, человекѡлюбче.

СЛАВА И НЫНѢ:

ГЛАСЪ ОСМЫЙ.

Ко гласу вопіющаго въ пустыни, уготовайте путь Господень, пришелъ еси Господи, зракъ рабїй прїимъ, крещенія прося, невѣдый грѣха: видѣша ты воды, и убояшася; трепетенъ бысть предтеча, и воззопи глаголя: како просвѣтитъ свѣтилникъ свѣта; како руку положитъ рабъ на Владыку, освяти мене и воды Спасе, землай міра грѣхъ.

ТРОПАРЬ:

ГЛАСЪ ПЕРВЫЙ.

Во Іорданѣ крещающуся тебѣ Господи, Троицкое явися поклоненіе: родителейъ бо гласъ свидѣлствоваше тебѣ возлюбленнаго ты сына

именуя: и духъ въ видѣ голубинѣ, извѣствоваше словесе утвержденіе; явлейся Христе Боже, и міръ просвѣщей слава тебѣ.

НА ДЕНЬ СВ. ІОАННА КРЕСТИТЕЛЯ.

Т Р О П А Р Ь:

ГЛАСЪ ВТОРЫЙ.

Память праведнаго съ похвалами, тебѣ же довлѣетъ свидѣтельство Господне предтече: показалося еси воистинну и пророковъ честнѣйшій, яко и въ струяхъ крестити сподобился еси проповѣданаго, тѣмже за истину пострадавъ радуясь, благовѣстилъ еси и сущимъ во адѣ Бога явшагося плотію, вземлющаго грѣхъ міра, и подающаго намъ велию милость.

К О Н Д А Б Ъ:

ГЛАСЪ ОСМЫЙ.

Плотскаго твоего пришествія убоявся Іорданъ, страхомъ возвращашеся: Пророческое же служеніе исполняя Іоаннъ, трепетомъ спряташеся: Ангелскія чини ужасохуся, зряще тя во струяхъ плотію крещаема: и вси сущи во тмѣ озаряхуся, воспѣвающе тя явшагося, и просвѣтившаго вся.

НА ДЕНЬ СВ. САВВЫ АРХІЕПІСКОПА СЕРЬСКАГО.

Т Р О П А Р Ь :

ГЛАСЪ ТРЕТІЙ.

Пути вводящаго въ жизнь, наставникъ и первопрестолникъ и учитель былъ еси. Первѣе бо пришедъ святителю Савво, отечество твое просвѣтилъ еси, породивъ тое, духомъ святымъ, яко древа масленая въ мысленѣмъ рай насадилъ еси, всеосвященная твоя чада: тѣмъ яко Апостоломъ и Святителемъ сопрестолна, чтущае ты молимъ: моли Христа Бога, даровати намъ велию милость.

К О Н Д А К Ъ ,

ГЛАСЪ ОСМЫЙ,

Яко первосвятителя великаго, и Апостоловъ сообщника, церковь прославляетъ ты людей твоихъ преподобне, но яко имѣя дерзновеніе ко Христу Богу, молитвами твоими отъ всякихъ насъ бѣдъ спасай, да зовемъ ти: Радуйся Стче Савво богомудре!

С Т І Х И Р А ,

ГЛАСЪ ПЯТЫЙ.

Прійдите Христілюбивіи вси, прійдите праздникъ совершающе, Савву священнопроповѣдника Еваггелія пѣснями восхвадимъ рекуще: Радуйся поточе словесный мысленнаго рая, иже бразды сердець нашихъ духовными водами Бо-

жїихъ словесъ напоивъ плодоносны показа Хри-
сту Богу, подающему всѣмъ прощеніе и велю
милость.

ПѢСНЬ СЯТТЕЛЮ САВВѢ.

Воскликнемъ любовію сятителю СаввѢ,
Сербскій церкве верховной сятителской главѢ:
Тамо вѣнци, тамо слава,
ГдѢ нашъ сербскій пастырь Савва,
Пойте ему Серби пѣснь и утroyте.

О ты превосходный съ Атона дошедый;
Иже вражду братїй въ любовь приведый,
Духовенства красный вѣнче
Пастырская блещна свѣще,
Сятителю Савво, пастырская главо.

Полна еси кошница трудолюбна Сербіе,
Сербска рода сынови, и ты любка Сирміе,
Къ небу главы воздвигните,
Савву тамо вы узрите,
Савву, сербску славу, предъ престоломъ Творца.

О Сербіе родная сестро святы' горы,
Возниспосли милый взоръ на Саввины дворы,
Тамъ начало сербскї' славы,
Урошь конецъ тоя правый:
СаввѢ Серби пойте пѣснь и утroyте.



БИБЛИОТЕКА МАТИЦЕ СРПСКЕ

P 19 Ср II 93.1

